

資治通鑑綱目

第七函

資治通鑑綱目卷之十八

明 史官陳仁錫評閱

起乙丑晉惠帝永興二年
凡十四年
盡戊寅晉元帝大興元年

乙丑二年

漢元熙二年

夏四月張方復廢羊后

書法

羊氏於是三廢矣先是廢與復皆書皇后羊氏此其直書羊后何畧之也

曷爲畧之後有書漢立妃羊氏爲后者此其人也故畧之於終綱目書爲臣所廢者

三魏張氏晉賈氏羊氏

未有三黜如羊氏者矣

○秋七月東海王越自領徐州都督傳檄討張方、

東海中尉劉洽以張方劫遷車駕勸東海王越討之越傳檄山東糾率義旅迎天子還舊都徐州長史王修說刺史東平王楙以州授之越乃以司空領徐州都督楙自爲兖州刺史於是范陽王虓及王浚等共推越爲盟主越輒選置刺史以下朝士多赴之

質實

東海國名注見秦二世二年鄒徐州注見秦始皇二十八年彭城東平國名注見漢獻帝興平元年范陽國名注見漢帝玄更始二年涿郡

成都故將公師藩寇掠趙魏

後趙石勒

勒為師懽
家奴

成都王穎既廢，河北人多憐之。其故將公師藩等自稱將軍，起兵趙魏，眾至數萬。初，上黨武鄉羯人石勒，有膽力，善騎射，并州大飢，東嬴公騰執諸胡於山東，賣充軍實。勒亦被掠，賣為荏平人師懽奴。懽奇其狀貌而免之。勒乃與牧師汲桑結壯士為羣盜，及藩起，桑與勒帥數百騎赴之。桑始命勒以石為姓，勒為名。藩攻陷郡縣，轉前攻鄴。范陽王虓遣其將苟晞擊走之。

集覽

公師，複姓也。羯人石勒，漢書注：羯本匈奴別部，散居上黨武鄉。

羯室，因號焉。按載記：石勒字世龍，初名閼，軍實謂車徒器械芻糧之類。荏平，漢地志：泰山

有荏縣荏通作荏仕疑反今博州荏平縣也
按博州今東昌府是牧帥渭北馬牧之主帥

正誤

牧帥今按通鑑本文石勒賣爲荏平人
師權奴權家隣於馬牧勒與牧帥汲桑

爲盜及公師藩起兵趙魏桑等赴之荏平屬
冀州在山東有牧苑何以爲渭北之牧帥也

質實

上黨郡名注見周赧王五十三年武鄉
縣名注見元帝大興四年一統志云荏

平秦之縣名屬東郡漢因之東漢屬濟北國
三國魏屬平原郡晉末始治聊城縣界興利
鎮後齊廢入聊城唐武德間復置貞觀初省
金時劉豫復置元仍舊本朝因之改屬東
昌府苟晞
山陽人

書法

凡書故將予義也此其書寇何成都將也寇藩所以寇穎也是故楚逆賊也利幾以楚故將書反穎反寇也公師藩以穎故將書寇綱目之予奪嚴矣終綱目書故將七詳漢高帝五年惟利幾公師藩非予辭

八月東海王越范陽王虓發兵西豫州刺史劉喬拒之太宰顓遣張方助喬冬十月襲虓破之

東海王越留琅琊王睿以東平將軍監徐州軍事守下邳睿請王導爲司馬委以軍事越帥甲卒三萬西屯蕭縣范陽王虓自許屯于滎陽越承制以豫州刺史劉喬爲冀州使虓

劉弘自討
張昌以來
無念不乃
心主室

領豫州。喬以虓非天子命，發兵拒之。虓以劉
琨爲司馬，越以劉蕃爲淮北護軍，劉輿爲潁
川太守。喬上尚書列輿兄弟罪惡，因引兵攻
虓於許，遣其子祐拒越於靈壁。東平王楸在
兖州，徵求不已，郡縣不堪命。虓遣荀晞還兖
州，徙楸青州。楸不受命，與劉喬合。顒聞山東
兵起，甚懼，表成王潁都督河北諸軍事，復
鎮鄴。詔越等各就國。越等不從，顒得喬上事，
下詔稱劉輿脅虓造逆，其令鎮南將軍劉弘
征東將軍劉準與喬并力，以張方爲都督，共
會許昌，誅輿兄弟。使潁與石超等據河橋，爲
喬繼援。弘遣喬及越書使解怨，釋兵同獎。王
室皆不聽。弘又上表曰：自頃兵戈紛亂，構於
羣王，翩其反而互爲戎首，載籍以來，骨肉之

五胡強逼
識者寒心
久矣

禍未有如今者也。萬一四夷乘虛爲變，此亦
猛虎交鬪，自效于卞莊者也。謂宜速詔越等
令兩釋猜疑，各保分局。自今有檀興兵馬者，
天下共伐之。時顯方拒關東，倚喬爲助，不納
喬乘虛襲許，破之。琨與及虓俱奔河北，弘以
張方殘暴，知穎必敗，乃帥諸軍受越節度。

集覽

蕭漢地志沛郡有蕭縣，括地志云徐州
蕭縣古蕭叔國。春秋爲宋附庸。上尚書

劉喬封上劉輿兄弟罪惡於尚書省。靈壁孟
康曰：故靈壁小城在彭城南，括地志云故城
在徐州符離西北九十里。今宿州靈壁縣是
載籍竹簡也。以之記載，故曰載籍。猛虎交鬪，
自效於卞莊。卞莊春秋魯卞邑大夫。莊子也。
史記陳軫傳：秦惠王曰：今韓魏相攻，救之便

勿救便陳軫對曰卞莊刺虎聞于王者乎莊
子欲刺虎館豎子止之曰兩虎方且食牛食
甘必鬪鬪則大者傷小者死從傷而刺之一
舉必得雙虎莊子然之有頃二虎果鬪大傷
小死莊子從傷者刺之果有雙虎之功今韓
魏相攻是必大國傷小國亡從傷而伐之一
舉必有兩實今劉弘謂羣

質實

下邳縣名注見漢高帝六

王興兵猶猛虎交鬪也

年蕭縣注見漢帝玄更始二年許縣名注見
漢獻帝建安元年許昌滎陽縣名注見秦莊
襄王元年劉喬南陽人劉琨中山魏昌人一
統志云靈壁漢之縣名屬沛郡晉屬雕州隋
陞爲虹州唐初改虹縣後廢爲零壁鎮宋元
祐初改鎮爲縣政和中改零壁曰靈壁屬宿

天象

州元省入泗州後復置靈璧縣屬宿州 本
朝因之改屬鳳陽府劉弘沛人許昌縣名注
見漢獻帝建安元年豫州
注見周赧王三十七年陳

有星孛于北斗○十一月將軍周權矯詔立羊

后事覺伏誅

於是太宰顓矯詔敕留臺賜后死司隸校尉
劉暉上奏固執得免顓欲收暉暉犇青州

質實

注見漢桓帝永康元年

書法

羊后為臣所廢則立之正也書伏誅
何矯詔也綱目書矯多矣然皆事成

者也綱曰僅得以矯書之示民有君而已
未有以見矯之當誅也於是周權矯詔而
敗然後綱曰正名其罪書曰伏誅所以明
矯詔之罰爲後世戒使知凡書矯者皆當
誅者也

發胆

羊后廢不以罪則復之者正也然周
權事覺乃以伏誅書之何哉皇后天

下之母也權以偏狹乃欲矯
詔立之非其義矣不誅何待

十二月成都王穎據洛陽○范陽王虓自領冀
州刺史擊穎將石超斬之劉喬衆潰

劉琨說冀州刺史溫羨使讓位於范陽王虓
虓遣琨乞師於王浚遂引兵濟河擊斬石超
於滎陽東迎越又擊劉祐
質實溫羨太原祁
人恢之孫譙

縣名注見漢獻
帝建安十四年

東海王越進屯陽武王浚遣將祁弘將兵助之

質實

陽武縣名注見秦
始皇二十九年

○陳敏據江東劉弘遣

江夏太守陶侃將兵討破之

初敏既克石冰自謂勇略無敵遂據歷陽以
叛吳王常侍甘卓棄官歸敏爲子景娶卓女

陳敏收錄
江東名士
四十餘人
惟玘循不
失身于敏

交

使卓假稱皇太弟、令拜敏揚州刺史、又使錢
端等南畧江州、弟斌東畧諸郡、遂據江東、以
顧榮爲右將軍、賀循爲丹陽內史、周玘爲安
豐太守、豪傑名士咸加收禮、循佯狂得免、玘
亦稱疾、敏疑諸名士不爲已用、欲盡誅之、榮
曰、將軍神武不世、若能信用君子、散帶芥之
嫌、塞讒諂之口、則上方數州可傳檄而定、不
然終不濟也、敏乃止、太宰顓以張光爲順陽
太守、帥步騎討敏、劉弘遣江夏太守陶侃屯
夏口、又遣南平太守應詹督水軍以繼之、侃
與敏同郡、又同歲舉吏、或謂弘曰、侃脫有異
志、則荊州無東門矣、弘曰、侃之忠能、吾得之
已久、必無是也、侃聞之、遣子洪詣弘、以自固、
弘引爲參軍、資而遣之、曰、匹夫之交尚不負、

劉弘無事
不忠亮

況大丈夫乎。敏遣陳恢寇武昌，侃禦之以
運船爲戰艦，或以爲不可。侃曰：「用官船擊官
賊，何爲不可？」侃與恢戰，屢破之。又與皮初、張
光共破錢端於長岐。或說弘曰：「張光太宰腹
心，公旣與東海宜，斬光以明向背。」弘曰：「宰輔
得失，豈張光之罪？危人自安，君子弗爲也。」乃
表光勲，乞

集覽

帶芥之嫌。賈誼賦：「細故帶芥，何足以疑。」又司馬相如賦：「曾

中曾不帶芥。」顏師古曰：「帶芥，刺鯁也。」郭
璞云：「不帶芥，言不覺有也。」帶丑介反。

質實

歷陽縣名，注見漢冲帝永嘉元年。一統志云：
顧榮，吳郡人，雍之孫。賀循，會稽山陰人。周玘，
陽羨人，處之子。順陽，漢之縣名，屬南陽郡。晉
置順陽郡，治此。隋廢之，故城在南陽府內鄉。

通鑑綱目 卷十八
縣順陽堡南平晉之郡名本漢孱陵縣地屬
武陵郡建武間置作唐縣晉置郡治此陳又
析置安鄉縣爲義陽郡治隋改作唐曰孱陵
與安鄉俱屬豐州唐以孱陵省入安鄉宋元
仍舊本朝因之改屬岳州府應詹南頓人
瑒之弟璩之曾孫甘卓丹陽人安豐郡名注
見漢光武
建武七年

漢離石大飢

質實

一統志云離石戰國趙之邑
名秦屬太原郡漢置離石縣

屬西河郡東漢郡徙治此晉改爲西河國後趙
改永石郡後魏廢爲離石鎮北齊置昌化縣及
懷政郡兼置西汾州後周改西汾爲石州又改
郡及縣曰離石隋初郡廢大業初州廢復置離

石郡唐復改石州天寶初為昌化郡乾元初復為石州本朝以離石縣省入改屬太原府

丙寅
光熙元年
元熙三年
○春正月朔日食○

太宰顒殺張方成都王穎奔長安

諸工屠戮
皆利邪
惑自利所
以紛糾不
可解

東海王越之起兵也使人說太宰顒令奉帝還洛約與分陝為伯顒欲從之張方自以罪重恐為誅首謂顒曰今據形勝之地國富兵強奉天子以號令誰敢不從奈何拱手受制於人顒乃止及劉喬敗顒懼欲罷兵恐方不從乃誘方帳下督郅輔使殺方送首於越以請和越不許遣邢弘等帥鮮卑西迎車駕宋胄等進逼洛陽穎奔長安

集覽
分陝

通鑑綱目 卷一百一
爲伯漢地志弘農有陝縣唐爲陝州伯諸侯
之長也分陝事注見太安元年依周召之法

質實

陝縣名注見周顯王四十五年

書法

方不書誅不予顓以討也方之罪顓爲之

發明

張方一死不足以盡其罪盍正王誅然在顓則不得而誅之也彼其以桀

黜之資所以敢行稱亂殘虐屠戮廢儲后劫天子者誰實使之然哉及事窮勢窮乃誘其帳下使殺之是豈得爲天討耶夫亂臣賊子法所當誅若已使之已殺之則亦君子之所不予况顓實非能殺張方以正其罪止欲借方首以求成於越耳故特書